

No. 6

Pajo per quista chiarta f 12 10 gros.

Herrn Johannes Jenni
Handelsmann in
Wilna
nella Lituania

Selvaplana, 12 Aprile 1815

Mieu bun amich!

Auns traïs eivnas he scrit ün otra tres mez Mr. Castelmur spedida fin Varschau, chia speresch as saja pervgnida. Ora tuorn as dir chia Rodolf Soldan ho accepto las condiziuns offertas per igr a pigler la Directiun della butia a Vilna: sive dal der 20 Zechins per il viedi, et 20 Lovigias salari, opure be 15 dette et 1/8 del guadang, ultra ad üna reccognuschentscha in rimessa vossa et mia in caas resta traïs ans alla Directiun suot ditas condiziuns. Suppon ch'el partiro circa als 1 meg davent da Gratz onde giavüsch da volair l'artschaiverin tel qualited, da'l assister et cugbler alla meldra chia savais e pudais in tuot caas chi puo l'occuorer. Concernente al Hom s'he fingia agieu scritt da procurer da fer ster almain per qualche temp quel chi ais presentamaing, intaunt chiataros qualchün da cugio. Sco giarzun avess provist quia ün scha pür s'preschaintaro occasiun da pudair il tramester: uossa nun savess nouvas d'üngüna compagnia, siand MI. Toen Lissander ais partieu auns co chia sapchia chi'nd fatscha da bsoeng. Abbain chia quel ais ieu cun la posta chi nun avess neir servieu ünguotta.

Las noviteds da qui sü sun poich favoraivlas. L'arivo da Napol. al trun da francia ho miss tuot il muond in motiun. Eir la Svizzera fo partir glieud a forza süls confins. Noss Engiadina ho eir stuvieu der sieu contingent e preparer il seguond. Da prüm nun as savaiva scha la Dieta deliberess da agir offensivmaing cunter la francia, ma uoss'dess esser decis be da sustegner la neutralited et d'occuper ils velgs confins, uschè chia giaron darchio posses da Vuclina e Clavena e scu chi vain dit, dessen esser 8 battagliuns destinos per ils duos lougs. Ils Napolitauns haun piglio aint Roma, avanzos fin Boulognia e proseguessen nel Italia siand chia's Austriacs as retiran precipitusamaing; scha nun vain fat pü ferma resistenza schi in cuort temp saro Milano eir in pudair dals Napolitauns, ils quels scha voelgen allur pretender eir la Vuclina schi gniaro a quella ch'eir ils noss avaron d'as pruver. Cun quauntas confusiuns e disuordens, suprastaun a noss pajais!! Nus ans crajaivans in ans da pesch et calma chi nun avess agieu sieu per, et all'opost, ans chiatains inbroglios pü co mê. Intaunt nun stuvains pero perder il coraggio. Defender noss pajais, nossas liberteds fin al ultim e savair murir cun rassegnatiun alla Volunted Suprema. Il Segner hegia tuots in sia chüra!! Con quaist as salüd bain da cour insemel con tuots contschaints, eir a nome dals mieus et dals eredis Luorsas, restand voss amich Foart. L'Uorsa.